

五礼通考

第二函
第十册

五禮通考卷第二十三

內廷供奉禮部右侍郎詹憲纂舊編輯

兩淮都轉鹽運使德永盧寬曾

李太保總督兼都御史方觀承同訂

貢

士吳江顧我鈞

參校

吉禮二十三

大雩

隋書高祖本紀開皇三年四月旱甲申上親祈雨于國城之西南癸巳上親雩

禮儀志隋雩壇國南十三里啟夏門外道左高一丈周百二十尺孟夏之月龍星見則雩五方上帝配以五人帝于上以太祖武元帝配享五官從配于下牲用犢十各依方色京師孟夏後旱則祈雨理冤獄失職存鰥寡孤獨賑困乏掩骼埋胔省徭役進賢良舉直言退佞諂黜貪殘命有司會男女恤怨曠七日乃祈岳鎮海瀆及

諸山川能興雲雨者又七日乃祈社稷及古來百辟卿士有益于人者又七日乃祈宗廟及古帝王有神祠者又七日乃修雩祈神州又七日仍不雨復從岳瀆已下祈如初典秋分已後不雩但禱而已皆用酒脯初請後二旬不雨者卽徙市禁屠皇帝御素服避正殿減膳撤樂或露坐聽政百官斷傘扇令人家造土龍雨澍則命有司報州郡尉祈雨則理冤獄存鰥寡孤獨掩骼埋胔潔齋祈于社七日乃祈界內山川能興雨者徙市斷屠如京師祈而澍亦各有報零雨則禱京城諸門三禱不止則祈山川岳鎮海瀆社稷又不止則祈宗廟神州報以太牢州郡縣苦雨亦各禱其城門不止則祈界內山川及祈報用羊豕

樂志雩祭奏誠夏

辭

迎送神登歌
與國丘同

朱明啟候時載陽肅若舊典從五方嘉薦以陳盛樂
奏氣序和平資靈祐公田既雨私亦濡人殷俗富政
化敷

舊唐書禮儀志孟夏之月龍星見雩五方上帝于雩壇
五帝配于上五官從祀于下牲用方色犢十籩豆已下
如郊祭之數唐武德初定令每歲孟夏之月雩祀昊天
上帝于圜丘景帝配牲用蒼犢二五方上帝五人帝五
官並從祀用方色犢十

音樂志孟夏雩祀上帝于南郊樂章八首

貞觀中褚亮
等作今行用

降神用豫和

詞同冬
至圜丘

皇帝行用大和

詞同冬
至圜丘

登歌奠玉帛用肅和

朱鳥開辰蒼龍啟映大帝昭

享羣生展敬禮備懷柔功宣舞詠旬液應序年祥叶
慶

迎俎用雍和

紺筵分彩瑤圖吐絢風管晨凝雲歌

曉轉肅事蘋藻虔申桂奠百穀斯登萬箱攸薦

皇帝酌獻飲福酒用壽和

詞同冬至圖丘

送文舞出迎武舞入用舒和

鳳曲登歌調令序龍

雩集舞泛祥風綵綈雲迴昭睿德朱干電發表神功

武舞用凱安

詞同冬至圖丘

送神用豫和

詞同冬至圖丘

唐六典凡京師孟夏以後旱則先祈岳鎮瀆海及諸山川能與雲雨者皆于北郊望祭又祈社稷又祈宗廟每七日一祈不雨還從岳瀆如初旱甚則修雩

舊唐書元宗本紀開元四年二月以關中旱遣使祈雨于驪山應時澍雨令以少牢致祭仍禁斷樵採

文獻通考開元十一年初孟夏後旱則祈雨審理冤獄賑恤窮乏掩骼埋胔先祈岳鎮海瀆及諸山川能興雲

致雨者一祈不雨還從岳瀆如初旱甚則大雩秋分後
不雩初祈後一旬不雨卽徙市禁屠殺斷扇造大土龍
雨足則報祀所用酒脯醢報準常祀皆有司行事已齊
未祈及經祈者皆報祀

舊唐書禮儀志起居舍人王仲邱旣掌知修撰乃建議
曰案貞觀禮孟夏雩祀五方上帝五人帝五官於南郊
顯慶禮則雩祀昊天上帝于圜丘且雩祀上帝蓋爲百
穀祈甘雨故月令云命有司大雩帝用盛樂以祈穀實
鄭元云雩上帝者天之別號允屬昊天祀于圜丘尊天
位也然雩祀五帝旣久亦請二禮並行以成大雩帝之
義

開元禮孟夏雩祀昊天上帝於圜丘以太宗文武聖皇

帝配

籩豆等如冬至儀都十七座

又祀五帝於壇第一等五人帝於壇第

二等

遵豆各四簋
簋組各一也

又祀五官於內壝之外

每座遵豆各
二餘各一

其儀並如

冬至圖丘

蕙田案開元雩祀圖丘儀同冬至已見祀天

門不重出

時旱祈太廟將祈有司卜日如別儀前二日守宮設
祈官以下次各于常所右校掃除內外又爲瘞埽于北
門之內道西方深取足容物前一日諸祈官清齋於廟
所諸衛令其屬晡後一刻各以其方器服守衛廟門奉
禮設版位於內外並如常儀設望瘞位於堂之東北當
瘞埽西南又設奉禮位於瘞埽東北南向贊者二人在
西少退太廟令拂拭神幄又帥其屬以罇坫罍洗篚幕
制幣篚入設皆如常儀執罇罍篚幕者各位於罇罍篚
幕之後太官令先饌酒脯醢告日未明三刻諸告官以

下各服其服太廟令良醢令之屬入實罇罍及幣

每室春夏用兩

犧罇秋冬用兩著罇一實明水爲上一實醢齊次之山罇
二一實元酒爲上一實清酒次之幣以白各長一丈八尺

未明二刻奉禮

帥贊者先入就位贊引引御史博士太廟令宮闈令太

祝以下入當階間北面西上立定奉禮曰再拜贊者承

傳

凡奉禮有詞贊者皆承傳

御史以下皆再拜訖升行掃除於上太廟令

以下升自東階入開埽室奉出獻祖以下九室神主各

置於座如常儀訖各引就位質明謁者引祈官以下俱

就門外位謁者引祈官贊引引執事者次入就位立定

奉禮曰再拜祈官以下皆再拜謁者進祈官之左白有

司謹具請行事退復位太官令出帥進饌陳於東門之

外初太官令出諸太祝俱取幣于篚各立於罇所謁者

引祈官升自東階詣獻祖廟室戶前北向太祝以幣東

向授祈官受進幣北向跪奠於獻祖神座俛伏興出戶

北向再拜訖謁者引祈官次進幣於懿祖以下諸室皆
如上儀訖謁者引還本位諸太祝各還罇所太官令引
饌入自正門升自大階諸太祝迎引於階上各設神座
前訖太官令以下降復位諸太祝各還罇所謁者引祈
官詣罍洗盥手洗爵訖升自東階詣獻祖酒罇所執罇
者舉罇祈官酌醴齊訖謁者引祈官入詣獻祖神座前
北向跪奠爵俛伏興出戶北向立太祝持版進於戶外
之右東向跪讀祝文

其文爲水旱厲疾蝗蟲及
征伐四夷各臨時制之

訖興祈官再拜太

祝進跪奠版於神座前俛伏興還罇所謁者引祈官次

詣懿祖以下諸室如獻祖之儀

唯不
盥洗

訖謁者引祈官詣東

序西向立諸太祝以爵酌罍福酒合置一爵一太祝持

爵進祈官之左北向立祈官再拜受爵跪祭酒遂飲卒

爵太祝進受爵復於坫祈官俛伏興再拜訖謁者引祈

官降復位諸太祝各入室跪撤豆如式興還罇所奉禮

曰再拜在位者皆再拜

已歆福者不拜

奉禮曰再拜祈官以下皆

再拜訖謁者進祈官之左白請就望瘞位贊者轉就瘞

埒東北位謁者引祈官就望瘞位西向立於祈官將拜

諸太祝各執篚進神座前跪取幣興降自太階詣瘞埒

以制幣置於埒訖奉禮曰可瘞東西面各四人賓士半

埒謁者進祈官之左白禮畢奉禮贊者還本位御史太

祝以下俱復執事位立定奉禮曰再拜御史以下俱再

拜贊引引出太廟令太祝宮闈令納神主如常儀其祝

版燔於齋坊

若得所祈報祠用太牢受昨與將祈同餘與告禮同祭文臨時制撰

時旱祈於太社

將祈有司卜日如別儀行事薦獻與

巡狩告社稷禮並同太社祝文曰維某年歲次月朔日

子嗣天子某謹遣具位姓名敢昭告于太社爰以農功

久闕時雨唯神哀此蒼生敷降靈液謹以清酒脯醢明

薦于太社以后土勾龍氏配神作主尙享

太稷祝文同

后土氏

祝文曰嗣皇帝某謹遣具位姓名敢昭告于后土氏餘

同社

后稷文同得雨報用太牢瘞幣血飲福受昨與正爾同餘與告禮同太社祝文曰往以久缺時雨故陳情誠惟神昭降茲靈液率土需洽蒼生咸

賴謹以玉帛清酒醴齊案盛庶品明薦于太社以后土勾龍氏配神作主尙享太稷后土氏后稷祝文並同每配祝無玉帛中字

時旱祈嶽鎮以下於北郊

報祀同

將祈有司筮日如別儀

就所及祭同

前二日守宮設祈官以下次於東壇之外道南北

向以西爲上設陳饌幔於內壇東門外道北南向右校

掃除壇之内外又爲瘞埽於壇之壬地方深取足容物

前一日諸祈官清齋於祈所諸衛令其屬晡後一刻各

以其方器服守衛壇門俱清齋一宿奉禮設祈官位於

內壇東門之內道北執事位于道南每等異位俱重行

西面以北爲上設御史位于壇下西南東向令史陪其

後設奉禮位於祈宮西南贊者二人次之少退俱西向
北上設望瘞位于壇之東北西向又設祈宮門外之位
於東壝之外道南每等異位重行北向以西爲上郊社
令以酒罇入設於位嶽鎮海濱各山罇二山川各蜃罇
二每方皆於神座之左俱右向皆自玷以置爵設罍洗篚霤各於
其方皆道之左俱內向執罇罍篚霤者位於罇篚之後
其日未明二刻太史令郊社令各服其服設嶽鎮海濱
及諸山川神座各於其方俱內向席皆以莞設神位各
於座首未明一刻諸祈官以下各服其服郊社與良醢
令之屬入實罇罍山罇實以醴齊蜃罇實以汎齊其明水各實于上罇太祝以幣置於篚
設於饌所嶽鎮海濱皆有幣各依方色俱丈八尺太官令帥進饌者實籩豆入設
於內壝東門之外饌幔內奉禮帥贊者先入就位贊引
引御史太祝以下與執罇罍篚霤者入詣南方山川之

西南當門重行北向以西爲上立定奉禮曰再拜贊者承傳御史以下皆再拜執罇疊篚罍者各就位贊引引御史以下行掃除如常訖出還齋所奉禮以下次還齋所質明謁者引獻官以下俱就門外位奉禮帥贊者先入就位贊引引御史以下入就位謁者引獻官贊引引執事者次入就位立定奉禮曰再拜獻官以下皆再拜謁者進獻官之左白有司謹具請行事退復位奉禮曰再拜在位者皆再拜太祝各取幣于篚以授獻官獻官受幣詣東嶽座諸太祝各奠幣于諸嶽鎮海瀆之座謁者引獻官再拜訖降還本位於獻官初授幣太官令帥進饌者奉饌陳于東門之外獻官奠幣再拜訖太官令引饌入諸太祝迎引於座首各奠於神位前施設訖太官令以下還本位諸祝各還罇所謁者引獻官詣疊洗

盥手洗爵詣東嶽酒樽所執樽者舉罍獻官酌酒謁者
引獻官進東嶽神座前東向跪奠爵興少退東向立初
獻官進奠祝史以爵酌酒助奠東鎮以下還樽所太祝
持版進於神座之右南面跪讀祝文曰敢昭告于東方
嶽鎮海瀆久闕時雨黎元恟懼惟神哀救蒼生敷降嘉
液謹以制幣清酌脯醢明薦於東方嶽鎮海瀆尚享太
祝興獻官再拜太祝進跪奠版于神座興還樽所獻官
再拜謁者引獻官以次獻諸方嶽鎮海瀆如東方之儀
諸方祝
文並同訖贊引引獻官還本位初獻東嶽贊引次引獻官
就罍洗盥手洗爵訖詣東方山川酒樽所執樽者舉罍
獻官酌酒訖贊引引獻官進詣東方山川首座前跪奠
爵興少退東向立初獻官奠酒齋郎酌酒助奠訖還樽
所祝史持版進於神座之右西向跪讀祝文文同與獻官再

拜跪奠版於神座興還罇所獻官再拜訖贊引引獻官

以次獻諸方山川如東方之儀

諸方祝文皆同

訖贊引引獻官還

本位諸祝各進跪撤豆如式興還罇所奉禮曰再拜獻

官以下皆再拜謁者進獻官之左白請就望瘞位謁者

引獻官就望瘞位西向立於在位者將拜諸太祝各進

神座前跪取幣置於埴奉禮曰可瘞東西廂各二人賓

士半埴謁者進初獻之左白禮畢遂引獻官出贊引引

執事者以次出御史太祝以下俱復執事位立定奉禮

曰再拜御史以下皆再拜贊引引出祝版燔於齋所

報祀

用牲幣飲福受胙于東方嶽鎮山川首座之前具山川唯飲福而不受胙埋毛血與正祭同餘與祈禮同祝文與報祀同

時早就祈嶽鎮海瀆

前一日諸祈官皆於祈所清齋

一宿所司清埽內外又爲埋埴於壇南如常奉禮設祈

官位於壇東南執事者位於祈官東南奉禮位於執事

西南贊者二人在南差退俱西向北上又設太祝奉幣

位於瘞瘞之南北向

海濱南設奉幣位向光所

又設祈官以下門外位於

南門之外道東重行西面北上設罇坩罍篚各於當所

執罇罍篚者各位於罇罍之後其日未明祈官以下各

服其服所司帥其屬入設神座及實罇罍如常儀太祝

以幣置於篚

幣各本方色長丈八尺

掌饌者實籩豆

籩一實脯豆一實醢

奉禮帥贊

者先入就位贊引引太祝及執罇罍篚者入當壇南重

行北面以西爲上立定奉禮曰再拜贊者承傳太祝以

下皆再拜執罇罍者各就位贊引引太祝升自東陞行

埽除於上訖降行埽除於下皆就位質明謁者引祈官

贊引引執事者俱入就位立定奉禮曰再拜祈官以下

皆再拜

其先拜者不拜

謁者進祈官之左白有司謹具請行事退

復位奉禮曰再拜在位者皆再拜初白請行事掌饌者

帥進饌者奉饌陳於東門外祈官拜訖太祝跪取幣於
筐以授祈官祈官奉幣置於神座祈官拜訖降復位掌
饌者引饌入升自南陛太祝迎引於壇上進設於座前
設訖掌饌者以下降復執事位謁者引祈官詣盥洗盥
手洗爵升自南陛詣酒罇所執罇者舉罇祈官酌酒謁
者引祈官進北面跪奠於神座前俯伏興少退北向立
太祝持版進於神座之右東面跪讀祝

文與祈社同嶽鎮
海濱各隨其稱

祝

興祈官再拜祝進跪奠版於神座興還罇所祈官拜訖
謁者引祈官降復位太祝進跪撤豆如式還罇所奉禮
曰再拜在位者皆再拜謁者進祈官之左白請就望瘞
位謁者引祈官就望瘞位西向立於在位者將拜太祝
進神座前跪取幣置於埽東西面各二人賓土半埽

海濱

則以幣
沈之

奉禮曰再拜祈官以下皆再拜謁者進祈官之左